



Polyanthea Sacra

Ex Universæ Sacræ Scripturæ Utriusque Testamenti Figuris, Symbolis, Testimoniis, Nec Non E Selectis Patrum, Aliorumque Authorum, Sententiis, eruditis Interpretationibus, Similitudinibus, rarisque Historiis collecta, Et Copiosis, Exquisitisque Materiis Moralibus De Virtutibus Et Vitiis Pro ...

Spanner, Andreas

Augustae Vindelicorum, 1702

§. 2. Spiritualia obscura sunt carnalibus.

[urn:nbn:de:hbz:466:1-79369](https://nbn-resolving.org/urn:nbn:de:hbz:466:1-79369)

recurrunt: ut verè constet, se omnia odio habentes, solum Deum dilexisse. S. Ephrem. ferm. ad pietatem.

Alea. Lem. *Abiecta non eversa. Tribulatio patientiam operatur; patientia autem probationem; probatio verò spes: Spes autem non confundit.* Rom. 5. 3. 4. 5. Hesius.

Genius è dura anchora filice ignem elicit. Lem. *Spes à duris micat edita rebus. Per patientiam spem habeamus.* Rom. 15. 4.

Vide Fiducia.

Miscellanea.

Tribus in rebus Christiani culminis fundamenta consistunt, id est, in spe, in fide, & in

charitate: Tolle spem, torpet humanitas tota tolle spem; artes, virtutesque universæ cessabunt: tolle spem; & interrupta sunt omnia. S. Zeno Veron. Serma. de fide &c.

Si Moyses fraudatus est à desiderio suo, cujus spes non pendeat in dubio? quasi puero porrigis pomum, & retrahis manum. Fortè non tam fortiter doleret, si non videret. Crescit aviditas scintillata ex visione, ardentius flavescit anima in muneris oblatione. Sed quò uberius concepta spes gaudet, desperata acius dolet. Cui es parciturus? Si Moyse non parcis? Petrus Cell. l. de panib. c. 11.

TITULUS XXXIV. SPIRITUALIA.

§. I.

Præfer corporalibus.

Apparuit Dominus Deus Abram, & dixit ei: semini tuo dabo terram hanc: qui edificavit ibi altare Domino, qui apparuerat ei. Gen. 12. 7. Hebr. quia apparuerat sibi. Altaria statuit, & victimas DEO immolavit; non propter sceptrum promissam; sed quia dignatus ipsum invisere. Tanto in pretio gratias spectantes ad spiritum habuit. Gratus fuit offerendo, non ob promissam terram; sed quia apparuerat sibi. Caducis rebus, quæ ad parandam æternitatem non juvant, noluit tribuere pretium; quod revera non habent. Oliva tom. 2. conc. 19. die Ven. 6. Quadr.

In hoc seriam vobis sum vultus, ut etiam omnium vestrum oculos dextros. 1. Reg. 11. 2. Dexter oculus, bona spiritualia, siniter corporalia, significat. S. Bernardus in Pf. 40. f. 7. inducens illud Pf. 15. 8. Dominus à dextris est mihi, ne commovear: hæc gratia, & misericordia Dei, in servos suos; ut in eorum sinistram, velut dissimulans dexteram, semper studiosus assilat protector, juxta illud: Dominus à dextris est mihi. Mendoza hic.

Regina austri venit à sinibus terre, audire sapientiam Salomonis. Matth. 12. 42. Poterat ante egressum cogitare: si regno excedo, in id prorumpent proditio, discordia, rebellio: vicini reges in regnum facient impressionem: orientur civiles discordiæ; fiscus gravia damnapatiatur, exercitus dissolvitur; populus impatiens regi à pluribus, regem novum eligit. Unde ego, quæ regina nunc ex eo; regrediar vel privata, vel captiva. Vivat Deus, quia tam illustis regina documenta Spiritus non postposuit securitati Imperii. Auth. Imp. Op. non dixit illa: cui commendo gubernationem; ne fortè, dum vado, & redeo, aliqua contra Imperium meum adversa nascantur. Cum esset gentilis, & mulier, tantam longitudinem itineris conficere non est impedita. Oliva ibid.

An non extremæ dementiæ, & iniquitatis, Reliquiæ sacra. Tom. II.

est; non tantum studii, ac sollicitudinis, in rebus spiritualibus ponere, quantum circa temporaria, & fluxa, monstramus? S. Chrysost. l. 3. adv. vituperatores vitæ Monasticæ.

§. II.

Spiritualia obscura sunt carnalibus.

Michol vidit regem David subsilentem, atque saltantem coram Domino; & desepxit eum in corde suo. 2. Reg. 6. 16. Hec in proverbii locutus sum vobis. Joan. 16. 25. De rebus spiritualibus apud eos differere, quibus nulla Spiritus cura, tantundem est; ac mera ænigmata iis proponere. Non erant semper nimis, vel difficilia, vel obscura, quæ Christus Discipulis suis dicebat; in proverbii tamen loqui aiebat: quia ad intellectum eorum non penetrabant: nondum enim plane consumptus erat in illis omnis terrenorum affectus; à quo fiebat, ut cognitionem spiritualium satis assequi non possent. Did. Niss. D. 5. Pasch. §. 5.

Infans in tenebroso natus carcere, ludit, jocatur, lætatur: quia, quid sit lux, ignorat. Mater autem, cui lucis suavitas nota fuit, lamentatur tristis. Sic quia parum scimus, de spiritualibus, & æternis; ut parvuli in servitute, & obscuritate, enutriti, sensibilia anaplectimur, vanis gaudemus; quia bona æterna non gustamus. Sancti, qui animò in cœlis erant, suspirabant, & flabant. Stella de cont. &c. p. 1. c. 56.

§. III.

Spiritualis vitæ signa.

Argumentum veræ spiritualis vitæ habet, cujus Spiritus carni penitus dominatur: qui tam citò, & tantum sentit incommodum spirituale, sicut & corporale: & tantum vitat locum, tempus, & homines, ubi, & per quos lædi potest in spiritu; sicut ubi lædi potest, & offendi, in corpore. Et qui tam citò studet mederi spiritui, quàm corpori. - qui tantum delectatur in cibis spiritualibus, sicut corporalibus. Albertus M. parad. an. c. 28.

Tet t

Vita